

## SCRIPT OF MORNING GOJRI NEWS BULLETIN 7NOV 2025 1015HRS

مارننگ گوجری نیوز بولٹن 7 نومبر 2025

\*\*\*\*\*

یوہ آکاشوانی جموں ہے محمد اکرم تیں خبر سُنو۔

\*\*\*\*\*

### PM VANDE MATRAM

وزیر اعظم نریندر مودی اج نویں دلی مانہ قومی گیت وندے ماترم گا 150 سال مکمل گی ایک سال تک جاری رہن آلی یاد گاری تقریب گو افتتاح کریں گا وہ اس موقعور یاد کاری مہر تے سکو وی جاری کریں گا ایک سماجی میڈیا پوسٹ مانہ وزیر اعظم نریندر مودی وندے ماترم قومی ترانہ نانہ جزباتی پیغام گا طورور بیان کیو جس نے نسلان نانہ متاثر تے ملک بھر مانہ خُب الوطنی گ ا جزبہ نانہ اُبھارت تقریبات مانہ عوامی مقامات ور وندے ماترم گا مکمل نظریہ گا بڑا پیمانہ ور گانا پیش کیا جیں گا جس مانہ سماج گا تمام طبقہ گا لوکاں غی پر جوش شرکت وے گی واضع رہ جے وندے ماترم نانہ 7 نومبر سال 1875 مانہ بینکم چندرن چیٹرجی نے لکیو تھو۔

\*\*\*\*\*

### RS OATH

نائب صدر تے راجیہ سبھا گا چئیرمین سی او پی رادھا کرشن نے کل راجیہ سبھا گا 22وا منتخب اراکین نانہ حلف دوايو رادھا کرشن نے بھارتیہ جنتا پارٹی گا یوٹی جموں کشمیر گا صدر ست شرما نانہ حلف دوايو جہیڑا حال ہی مانہ راجیہ سبھا گا رُکن گا طورور مُنتخب ہوا تھا بی جے پی کی طرفوں ست شرما پارلیمان گا ایوان بالا مانہ نمائندگی کریں گ اٹے دوجا نو مُنتخب راجیہ سبھا ممبر راجیندر گپتا جن نانہ عام آدمی پارٹی نے نامزد کیوتھو وے پنجاب کی نمائندگی کریں گا۔

\*\*\*\*\*

### CAMPAIGNING NAGROTA

جموں کشمیر مانہ 11 نومبر نانہ ہون آلا نگروٹہ اسمبلی گا ضمنی انتخابات واسطے ہم نے زور پکڑ ليو ہے سیاسی جماعت ووٹراں تک پُجن واسطے ریل تے جلسہ کر رہی ہیں واضع رہ جے یاہ نشسط گزشتہ سال ممبر قانون ساز اسمبلی دیوندر سنگھ رانا گی موت تیں بعد خالی ہوئی تھی تے اس بار اس بھارتیہ جنتا پارٹی گی اُمیدوار دیویانی رانا تے نیشنل کانفرنس گی شمیم بیگم سمیت دوجا اُمیدوار میدان مانہ ہیں تے حلقہ انتخابی مہم تے ووٹراں گی بدتی وی حصہ وفیت گو مشائدو کر دیتو ہے کیونکہ ووٹ پان گے دن تیں پہلاں انتخابی مہم تیز ہو رہی ہے۔

\*\*\*\*\*

### CM SUPER SPECIALITY

وزیر اعلیٰ عمر عبداللہ نے جموں گا سُپر سپیشلٹی اسپتال گو دورو کیو تے صحت دیکھ بھال گا جاری اقدامات تے مستقبل گا منصوباں گو جائیزو ليو اس دورہ مانہ حکومت گی توجہ صحت گی دیکھ بھال گا جدید بُنیادی ٹھانچہ صلاحیت مانہ اضافو تے جدید طبی تکنیک نانہ اپنان ور زور پایو ہے تاکہ پورہ خطہ مانہ مریضاں گا علاج گا معیار نانہ بہتر بایو جاسکے سرکاری میڈیکل کالج جموں گا پرنسپل ڈاکٹر آشوتوش گپتا نے صحت گی دیکھ بھال کی خدمات نانہ مضبوط بنان مانہ وزیر اعلیٰ گا دورہ گا

فدائید ور لوکھلی اُنہاں نے اسپتال مانہہ روبروٹک سرجدی متعارف کران بارے منصوبہ گا  
بارہ مانہہ وی گل بات کی تے نال نال دیگر اقدامات جن گو مقصد طبی سہولیات تے  
مریضان گی دیکھ بھال نانہہ بہتر بنانو ہے بارے گل بات کی۔

\*\*\*\*\*

## CS AGRICULTURE

چیف سیکرٹری اٹل ڈلو نے جموں کشمیر مانہہ زراعت تے اس نال جڑیا شعباں گی  
مسابقتی بہتری گا منصوباں تے کسان خدمت گھر پروگرام گی پیش رفت گو جائیزو ليو  
اُنہاں نے زمین ورموچر نفاذ مسلسل نگرانی تے خواتین، نوجواناں تے کمزور گروپاں  
گی شمولیت ور زور پایو اُنہاں نے ڈپٹی کمشنر نانہہ ہدایت کی کہ وے کساناں گے نال  
ملیں رُکاوٹاں انہہ دور کریں تے منظوری گا عمل گو جائیزو لیں یوہ پروگرام موسمیاتی  
جدید بازکاری گی قیادت آلی زراعت نانہہ فروغ دے جس مانہہ 20 ہزار تیں زیادہ  
درخواست موصول ہوئی ہیں تے 9 ہزار 8 سو منظوریاں دتی گئی ہیں جہڑی یوٹی مانہہ  
کساناں گی بدتی وی شمولیت شرکت گی عکاسی کرے۔

\*\*\*\*\*

## POONCH FIRECRACKERS BAN

ضلع مجسٹریٹ پونچھ اشوک کمار شرما نے اگلا احکامات توڑی ضلع بھر مانہہ پٹا خاں  
گ ا فروخت تے استعمال ور مکمل پابندی عائد کر دتی ہے یوہ فیصلو سنئیر  
سُپرائنٹنڈنٹ گی رپوٹ گے بعد کیو گیو ہے جس مانہہ کہیو گیو تھو کہ بیاہ گا جاری  
سیزن گے دوران متہ پٹاخہ نال فوج تے حفاظتی دستہ مانہہ الجھن پیدا ہوسکے جہڑی  
دہشت گردی نال متعلق یا فائرنگ گا کسے وی واقعہ گو فوری جواب دین گی اُن گی  
صلاحیت نانہہ ممک طور متاثر کرسکے بھارتیہ شہری تحفظ سہیتا گی دفعہ 163 گے  
تحت نامز کردہ پابندی فوری طور ور نافذ عمل ہے افسراں نانہہ آگاہی پھیلان گی ہدایت  
دتی گئی ہے تے ڈی ایم نے کہیو جے اس ضمن مانہہ خلاف ورزی ور کاروائی گی  
جے غی۔

\*\*\*\*\*